

史料旬刊


第三期



中華民國十九年六月二十一日出版

史料旬刊第三期

編輯所 故宮博物院文獻館
發行所 神武門外發售室
印刷所 京華印書局



價目表		郵費	
每旬一冊	四角	外埠	國外
預定半年十八冊	六元五角	每期一角	每期二角
預定全年三十六冊	十二元	本院發寄刊物均交郵局掛號遞送以免遺失	

本市 商務印書館 中華書局
上海 文明書局 世界書局及
天津 其他各大書店均有代售

史料旬刊第三期目錄

康熙四十八年廣東督撫奏西洋人進貢摺

(一) 趙弘燦摺一
范時崇

(二) 趙弘燦摺一

(三) 趙弘燦摺二
范時崇

(四) 趙弘燦摺三
范時崇

(五) 趙弘燦摺四
范時崇

(六) 諭西洋人哆囉禁用五爪龍邊

(七) 趙弘燦摺五
范時崇

(八) 趙弘燦摺二

(九) 趙弘燦摺三

中正殿等處應需光祿寺奶子款目

道光十一年查禁鴉片煙案

(一) 馮贊勳摺一

(一) 刑部摺

(二) 阮元等摺

(三) 吳榮光摺

(四) 楊廷璋摺

乾隆二十四年嘆咭喇通商案

(一) 新柱摺

(二) 新柱等摺

(三) 楊廷璋摺

(四) 新柱等摺

(五) 新柱等摺

(六) 楊廷璋摺

(七) 托恩多奏覆乾隆二十四年粵海關收稅短少摺

李侍堯奏查拿李伯舉等私藏符書窖文摺

嘉慶朝硃咭喇通商案

(一)軍機處奏片一

(二)嘉慶十四年四月二十九日諭旨

(三)嘉慶十四年四月二十九日廷寄

(四)軍機處奏片二

(五)軍機處奏片三

(六)嘉慶十四年四月三十日廷寄

(七)軍機處奏片四

(八)嘉慶十四年五月初二日諭旨

(九)軍機處奏片五

康熙四十八年廣東督撫奏西洋人進貢摺

趙弘燦范時崇會奏西洋人進格而墨斯藥摺

總督廣東廣西等處地方軍務兼理糧餉兵部右侍郎兼都察院右副都御史臣趙弘燦巡撫廣東等處地方提督軍務兼理糧餉都察院右副都御史臣范時崇謹摺跪請皇上聖安臣等身居粵南未得時侍天顏心殷戀主朝夕瞻依已經專差家人恭請聖安惟願我皇上珍養聖躬加飭御膳景福愈增臣民忭祝康熙肆拾柒年拾貳月貳拾玖日臣家人回肇齋到武英殿監造員外郎張常住傳旨與廣東督撫奉旨著尋西洋格而墨斯著實要緊得了急速著台報上送來再著西洋人寫信台報上帶去與廣東衆西洋人有格而墨斯著台報上送來如無將阿爾格而墨斯速速送來欽此外又藥樣壹包張常住付來與廣東西洋人字壹封臣隨即星夜差人前往廣城澳門尋覓併投發到書字今據西洋人送到上寫格而墨斯子壹包錫盒第壹盒格而墨斯藥壹件磁碗貯第貳盒格而墨斯藥壹件錫小花盒貳盒樣壹件小磁盃格而墨斯製成的藥

第壹盒樣壹件又格而墨斯子壹封又西洋人書貳封臣隨逐加查點所有藥盒盃碗原俱封固交來臣未識藥性不敢啓視除見在多方尋覓再有所得另摺恭進外謹同原發來樣壹包及西洋人交到各藥總貯壹匣固封差家人雍正南劉士傑恭進伏乞皇上勅下該衙門察收再奉到旨意原著交發台報送進但廣東路途遙遠且西洋製成藥料封貯磁器若由驛遞郵傳少有遲誤疎失臣罪奚辭臣再四思維依戀急切冒昧填用火牌飛馳恭進止騎驛馬不支口糧回日臣令其自雇脚力即將火牌咨繳兵部外合併聲明伏乞聖慈恩宥臣等曷任激切惶悚之至謹具摺奏聞康熙肆拾捌年正月初伍日硃批「知道了」已後有此等事照此摺好」

趙弘燦奏西洋人進洋酒等物摺

總督廣東廣西等處地方軍務兼理糧餉兵部右侍郎兼都察院右副都御史臣趙弘燦謹摺跪請皇上聖安康熙肆拾捌年正月貳拾捌日趙昌傳旨與廣東總督弟男子姪以後凡本處西洋人所進皇上用物件並啓奏的書字卽

速著妥當家人僱包程騾子星夜送來不可誤了時刻欽此傳知到臣臣卽星速差家人前赴澳門傳旨與西洋理事官唵嚟哆等及省城各天主堂西洋人一體欽遵去後今據省城西洋人穆德我等交到酒壹箱洋烟壹箱又據西洋人畢登庸交到酒壹箱又據西洋人景明亮交到酒壹箱藥壹瓶字共叁封臣檢收原箱俱係封固不敢啓視特差家人曾復元僱包程騾脚裝馱一併星速恭進伏乞皇上勅下該衙門察收再今春貳叁月廣東地方蒙皇上恩庇雨水調勻田禾俱早播種將來肆伍月間雨澤應時豐收可望合併奏明仰慰聖懷謹具摺奏聞康熙肆拾捌年叁月貳拾陸日

硃批「知道了」

趙弘燦范時崇會奏西洋人李國震進葡萄酒摺

總督廣東廣西等處地方軍務兼理糧餉兵部右侍郎兼都察院右副都御史戴罪圖功臣趙弘燦巡撫廣東等處地方提督軍務兼理糧餉都察院右副都御史臣范時崇謹摺跪請聖安竊照西洋人從前兩次寄到書信并葡萄酒俱

已遵旨卽差家人包程恭進今又有西洋人李國震交到進皇上葡萄酒拾伍瓶云係西洋人何大經所進外書壹封與京中天主堂紀姓者臣等遵旨卽差家人柴逢智王宗包程恭進伏祈皇上睿鑒勅下察收謹具摺奏聞康熙肆拾玖年貳月拾捌日

硃批「知道了近夏月西洋船到時問明速報」

趙弘燦范時崇會奏西洋人沙國安等進葡萄酒摺

總督廣東廣西等處地方軍務兼理糧餉兵部右侍郎兼都察院右副都御史戴罪圖功臣趙弘燦巡撫廣東等處地方提督軍務兼理糧餉都察院右副都御史臣范時崇謹俯伏恭請皇上聖安本年閏柒月初拾日臣等接到住澳西洋人沙國安等信壹封內開多樂聞皇上利用眞葡萄酒特託人採覓寄來今多樂雖辭世不敢隱其先志應否送省乞示進止計開加納列國葡萄酒壹箱柒拾小瓶伯爾西亞國葡萄酒貳箱共貳拾大圓瓶波爾圖噶國葡萄酒貳箱共貳拾肆方瓶臣等因未請聖示不敢遽行齎送應否進呈伏候聖旨臣等謹

奏康熙肆拾玖年閏柒月拾肆日

硃批「隨便帶來」

趙弘燦范時崇會奏西洋人哆囉病故及馬國賢善畫摺

總督廣東廣西等處地方軍務兼理糧餉兵部右侍郎兼都察院右副都御史戴罪圖功臣趙弘燦巡撫廣東等處地方提督軍務兼理糧餉都察院右副都御史臣范時崇謹俯伏恭請皇上聖安伍月拾柒臣等家人柴逢智王宗齋回摺子奉聖旨知道了近夏月西洋船到時問明速報欽此又於伍月貳拾伍日臣等家人薛廷士焦德齋回摺子奉趙昌王道化張常住李國屏傳聖旨爾等差人問哆囉你國並無用伍爪龍邊之理皇字亦非爾等之話種種違式與例不合念爾係外國之人或不諳中國之法或中國無知之徒寫的亦未可知爾再詳察若認錯不知即速改來本部院轉奏若不改不認錯本部院不但不奏將中國寫漢字之人從重治罪再西洋新來之人且留廣東學漢話若不會漢話卽到京裏亦難用他會話之時爾等寫奏摺奏聞欽此又於伍月貳拾捌日

接到鑲黃旗參領臣范時御轉傳趙昌口傳聖旨西洋技巧叁人中之善畫者可令他畫拾數幅畫來亦不必等齊有叁肆幅隨卽差齎星飛進呈再問他會畫人像否亦不必令他畫人像來但問他會與不會差人進畫時一併啓奏欽此欽遵臣等查得西洋船柒月已盡尙未聞有報到俟後有到時另摺奏聞至傳旨指示臣等詰問哆囉情由查哆囉已於伍月拾貳日病故並無別情取結在案無庸申飭前所奏技巧叁人山遙瞻馬國賢德里格已安插廣州府天主堂內令伊等學習漢話俟伊等會時另行啓奏馬國賢所畫之畫今止送到山水壹幅人物壹幅遵旨先行進呈俟伊復有畫到再行差送及問伊曾否會畫人像據伊口稱會畫事關啓奏不敢冒昧著令廣城天主堂掌教郭多祿出具甘結據布政司詳稱郭多祿不肯出結臣等乃以本地配饗孔廟理學名臣陳獻章遺像令伊摹倣今將馬國賢所畫陳獻章遺像一併進呈御覽臣等再啓柒月初叁日報有香山本澳船壹隻於上年拾貳月往小西洋貿易今該船附有要進京西洋人兩名一名楊廣文一名麥大成據稱俱曉天文曆法應否差人伴送來京或同山遙瞻等亦在廣州學習漢話恭候聖旨遵行爲此具摺差

家人柴逢智王宗齋進請旨臣等謹奏康熙肆拾玖年閏柒月拾肆日
硃批「朕安楊麥二人已有旨了」

諭西洋人哆囉禁用五爪龍邊

趙昌王道化張常住李國屏傳旨爾等差人問哆囉爾國並無用五爪龍邊之
理皇字亦非爾國之話種種違式與例不合念爾係外國之人或不按中國之
法或中國無知之徒寫的亦未可知爾再詳察若認錯不知即速改來本部院
轉奏若不改不認錯本部院不但不奏將中國寫漢字之人從重治罪再西洋
新來三人且留廣州學漢話若不會漢話即到京裏亦難用等他回話之時爾
等再寫奏摺奏聞欽此

趙弘燦范時崇會奏西洋人龍安國淹死摺

總督廣東廣西等處地方軍務兼理糧餉兵部右侍郎兼都察院右副都御史
戴罪圖功臣趙弘燦巡撫廣東等處地方提督軍務兼理糧餉都察院右副都

御史臣范時崇謹跪請皇上聖安康熙肆拾柒年陸月內准到禮部咨文內開肆拾陸年叁月初拾日奉旨穆德我安懷仁李若瑟瞿良士索諾此伍人俱著在廣東天主堂居住修道俟龍安國博賢士來一同來給票不給票之處那時定奪伊等的道不必傳欽此遵行在案又於康熙肆拾玖年肆月拾伍日趙昌王道化張常住李國屏傳旨交與范時崇將依格安當先送與廣東去往後有來的人再著畢天祥去再有來的人再著高廷用去如此陸續前後送去至廣東著他各自居住將門戶封鎖派人嚴緊看守不許人往來俟龍安國回來時再作定奪欽此遵將先後送到依格安當畢天祥高廷用嚴加看守訖今於肆拾玖年捌月拾柒據海關臣查爾布咨呈據澳門頭目稟稱龍安國的船於肆拾陸年拾貳月貳拾玖日打入內海被壹大石打破龍安國與船上商梢俱經淹死其逃生水手止肆名博賢世的船打出大洋風浪一湧連船不見大約亦不在了等語到臣等因無確據隨卽轉行布政司確查去後今據布政司查覆據三巴堂掌堂金國輝稱大西洋耶穌會付信至小西洋耶穌會小西洋耶穌會付信船主馬諾哥斯遠船主弗浪斜斯古帶信至三巴信內之語與前報相

同併取有金國輝結狀在案博賢世卽博賢士等因到臣等查穆德我等伍人有旨意俟龍安國博賢士來一同來之上諭依格安當等叁人又有旨意俟龍安國來再作定奪之上諭今龍安國既經淹死博賢士亦無著落所有從前兩次奉到聖旨相應奏明伏候聖示再西洋人馬國賢奉旨著令畫拾數幅畫來亦不必等齊有叁肆幅隨即差齋星飛進呈除前進山水壹幅人物壹幅外今又畫成畫捌張理應差人齋送爲此具摺差家人柴逢春姜德進呈臣等謹奏康熙肆拾玖年玖月拾伍日

硃批「朕安西洋人艾若瑟靈若瑟者亦同龍安國一事去的等他二人到時再請旨」

趙弘燦奏西洋人弋羅理進酒摺

總督廣東廣西等處地方軍務兼理糧餉兵部右侍郎兼都察院右副都御史戴罪圖功臣趙弘燦謹跪請皇上聖安竊今時屆初冬晚禾俱經收穫比戶咸慶豐盈是皆仰賴我皇上仁德普被所致遐邇之民歡呼雷動臣遠處嶺海勉

圖奉職惟有仰體聖慈愛養黎庶共樂昇平但瞻望闕廷時深依戀茲因香橙初熟併蝴蝶繭專差家人曹禎祥等恭進少展微臣犬馬寸忱正在起程間適據布政使高必弘報稱西洋人弋羅理稱有西洋嘉納理亞國酒貳箱要送進京請示前來臣隨令其星飛送至肇慶以便轉進今據該司送到洋酒貳箱併西洋人書字到臣隨查酒箱俱係西洋人封鎖臣不敢啓視相應同交到書字一併齎進伏乞皇上睿鑒勅收臣謹具摺奏聞康熙肆拾玖年拾月初叁日硃批「朕知道了」

趙弘燦奏謝摺

總督廣東廣西等處地方軍務兼理糧餉兵部右侍郎兼都察院右副都御史戴罪圖功臣趙弘燦謹跪請皇上聖安竊臣齎摺家人柴逢智回肇蒙皇上賜臣鹿肉條叁拾貳把細鱗魚拾尾魚條拾伍把臣隨恭設香案望闕叩頭謝恩祇受訖伏念臣秉質庸陋才乏寸長荷蒙聖慈隆遇已叁拾餘年復蒙皇上格外殊恩授以總督重任自揣人臣身受主恩最深最厚莫有過於臣者而一門

之內皆膺異數疊荷恩施又莫有過於臣父子兄弟者臣每夙夜思維未知何以仰報高厚感極涕零不能自己且皇上垂念遠臣頒賜佳味皆日所罕遺口所未嘗之品臣卽陳供祖先以彰聖眷併率闔家跪嘗共沾榮寵凡此隆恩臣刻骨銘心圖報不盡卽世世子孫犬馬微忱亦感頌於罔極者也至西洋人沙國安代多樂所進葡萄酒蒙皇上批摺隨便帶來臣見在催取俟其到日卽行差人齎進外所有微臣叩謝天恩緣由謹具摺奏聞康熙肆拾玖年拾月拾伍日

硃批「知道了」

謝世三以道丁

日

古人論道以道為第一即天恩由道具暨矣間有顯赫於世平俗且奇正
國安乃之樂而能盡其德者皇主其辭而無常也其辭雖難其德且顯其
德貴於心而難不難明也世之希大焉者其不難也其難者世之希人者
而求其品以明其德夫以導學於海而求其品以明其德夫以導學於海
以明其品以明其德夫以導學於海而求其品以明其德夫以導學於海
之人其品以明其德夫以導學於海而求其品以明其德夫以導學於海